



Arubaanse Courant

Anja 26

DIABIerna 21 AUGUSTUS 1964

No. 5012.

TURQUIA LO SERA PASO DI RUSIA PA MEDITERRANEO

Angora-- (UPI)-- Turquía a menasá di serrá e entrada pa Rusia di e laman Mediterraneo "si tin peliger di un guerra riba Chipre.

E minister di Relacionnan Exterior di Turquía, Feridun Celam Erkin, a bisa qu e acuerdonan di Montreux di aña 1932, ta duna Turquía e derecho di serra e pasonan di Bosporo y Dardanelos si nan ta kere qu seguridad di e pais ta ser amenasá.

Erkin a bisa e periodistanan ayera qu e por ehecutá e derecho den e crisis chipriota.

Rusia a bisa qu nan lo yuda gobierno grecochipriota, aparentemente refiriendo den caso qu si nan ser atacá pa Turquía.

Prensa turco ayera a bisa qu un bapor di carga ruso, qu a ser identificá como "Novh Dumbass" a pasa door di e paso Bosporo diamars cu cuater avion desmantelá, artillería pisá y personal militar.

Nan ta supone qu capitan di e bapor lo a revela qu e carga aki tabata bai pa Chipre. Ora periodistanan a interroga Erkin riba e incidente aki, el a declara:

"Si Rusia yuda Chipre en lo militar, nos lo actua di acuerdo cu esaki. Si tin peliger di guerra nos lo serra e pasonan ey pa Rusia".

FATUM

Pa tur bo aseguran

Tel. 1845.

AGOSTO TA LUNA DI VUELONAN COSMICO

Moscu, -- UPI -- E cosmonautan sovietico Andrian Nikolayev y Pavel Popovich a bolbe sugerí qu Rusia lo por ta preparando un otro exploracion espectacular di espacio, indicando qu e proximo nave espacial lo ser tripulá pa nan pilotonan-seguidor.

Augustus, asina nan a bisa den un artículo qu a worde publica den un revista, "ta e luna di e vuelonan cosmico." Nikolayev y Popovich ta bisa den e artículo:

"Nos ta sperando lanzamiento nan nobo pe pilotonan qu a escoltá nos y nos amigunan pa Cosmos."

Nan declaracion qu a ser publica den e corant di forsa aerea sovietico, ta sigi despues di un dia di lanzamiento di tres satelite no tripulá cualnan a ser lansá riba forsa di un solo cohete. Awe esatilitenan lo manda informacionnan terra qu lo por ser usa despues den e lanzamiento di nave nan espacial tripulá.

Nan ta kere qu e lanzamiento aki por ta esun mas espectacular qu nan a intentá te ne momentonan aki den e conquista di espacio, tal vez cu dos of mas hende den un solo nave espacial.

PRONTO 60 MIL HABITANTE NA ARUBA

ORANJESTAD, 21 aug. - Segun oficina di statistico di departamento di asuntunan social y economico na aña 1954 Aruba tabatin 52.596 habitante. Awor na luna di juni ultimo Aruba tabata conta 59.701 habitante. ta bin aserca mas o menos un promedio di cincuenta habitante, lo cual ta nifica cu for di juni pa december lo bin probablemente mas cu tres cien habitante aserca cual lo pone e total di habitantenan na sesenta mil.

CONFERENCIA INTERNACIONAL DI PARTIDONAN PRO CHINA

PEKING, 21 aug. - Prensa Chines awe pa di prome blaha a dedica espacio na e posibilidad di un conferencia internacional di partidonan pro China en caso Union Sovietica sigui cu su plan pa organisa un propio reunion comunista internacional.

Manera conoci partido comunista Chines diferente blaha a rechaza e proposicionnan Ruso tocante un conferencia internacional y a adverti, cu un conferen-

cia manera e Rusonan quier lo trece un quiebra abierto den e movimientu mundial di comunismo.

E posibilidad di un conferencia pro-China a worde menciona den un resolucion cu luna pasa a worde aproba pa e partido comunista di Nueva Zeelandia, di cual actualmente e president, Mike Williams ta bishitando Peking. E texto di e resolucion awe a ocupa lugarnan importante den corantnan Chines.


E partido comunista chiqui di Nueva Zeelandia ta un fanatico simpatisador di e politica oficial di partido.

Na un reunion manera e partido di Nueva Zeelandia a propone lo participa probablemente tur partidonan cu ta apoya e politica Chines y ademas partidonan chiqui of agrupacionnan den paisnan manera Australia, Belgica, Brasil, y Ceylon, cu a worde establece despues y cuta apoya e politica di China.

Segun observadornan un tal conferencia lo por nifica e prome paso oficial den direccion di formacion di un bloque Chines.

Statistico di T.B.C. na Aruba

ORANJESTAD, 21 Aug. - Segun e oficina di statistico di departamento di asuntunan Social y Economico Aruba tabatin na anja 1963 diez dos caso di tuberculose (Malu di Pecho) registra. Mientras cu na Corsow no tabatin ningun. Esaki ta notable como cu anteriormente semper Corsow tabatin mehu mas caso di tuberculose registra cu na Aruba.



President Kennedy a yega di anuncia e fabricacion di un avion nobo pa ehercito Mericano, specialmente pa sostene ataque di infanteria. Segun anuncia aki un aña e prototype di e avion aki cu ta ser yama "jeep volante" lo haci su prome vuelo.



SABOR CU NUNCA TA
VARIA

IT NEVER VARIES.

2

U.E.A. Y ELMAR TA FIRMA CONTRACT AWE

ORANJESTAD, 21 aug. - Banda di diez un or awe mainta, lo tuma lugar na oficina di compania di electricidad di Aruba, ELMAR firmamento di un contracto colectivo di trabao cu Union Electricistas Aruba. E contract aki ta garantisa e empleadonan di ELMAR mihor aregionan social o a nan mes y nan familia. Tambe algun mehoracion di trabao. Ir. Looman, kende pa parti di ELMAR tabata e persona cu a tene e deliberacionnan cu U.E.A., pa medio di verlof lo no por firma e contracto, cual hunto cu U.E.A. nan a logra traha na un manera agradabel y comprendibel pa e empleadonan.

Noticianan di Polis

ORANJESTAD, 21 aug. - Banda di nuebor diarazon mainta a tuma lugar na cruzada di Hendrikstraat y Emanstraat un choque entre e autonan A-1566 y A-7950 maneha respectivamente pa señora E. y e caballero W. door di e golpi basta fuerte e auto A-7950 a slip y a bai dal contra di e pia di e caballero J.P. kende tabata sinta ariba e cura di Willem de Zwijger park. E caballero J.P. mester a worde transporta pa hospital cu ambulance, caminda el a worde tu-

ma pa observacion. Diarazon mainta P.C. a bin duna keho di hortamento di algun galinja for di su farm na Camacuri. Aki cierto persona of personanan a somenta cu algun galinja basta gordo. Recherche ta investigando e caso.

Atrobe un caso di hortamento den un garashi na Oranjestad a worde duna na recherche. Aki cierto individuo a drenta den ora di merdia entre un or y dos or y a reboltia e lugar en busca di probablemente placa.

Diez un or y mei diarazon anochi recherche a detene e hoben W.L. di diez siete aña kende ta worde sospecha di a comete varios robo. Mientras cu e investigacion ta tumando lugar el a worde carcela.

Na warda di polis un homber a bin duna keho cu nan a horta cien florin di dje. Esaki segun el a declara, segun su opinion a worde horta for di dje ora cu e tabata burachi cerca un conoci di dje. E conoci aki, un caballero di cuarenta y un aña, un tal R.D. a worde deteni sospechia di a horta e cien florin. El a reconoce e echo aki y a keda carcela.

E Cas Di Bo Sonjo

na prijsnan practico
cu materialnan di construccion di calidad y na prijs atractiva, esey ta solamente na
PETRONA & CROES (ARUBA) N.V.



SANDALIAS!



1195

Cu **SUAVIDAD** y
bon **SOSTENCION**
pa **TOR** pia... color:
pretu of maron

HARTOG
Nassastraat: 99

Especialistanan Italiano y Ruso ta lucha pa bida di Palmiro Togliatti e lider di partido comunista Italiano cu ta worde atende na Yalta den Krim. Ora cu siman pasa diahuebes el a sufrir un ataque.

A CABA DI YEGA!

Un Enorme
surtido di
Telas den
tur Color
y Disenjo...
For di
45c te cu
f. 9.50
pa yarda!

Bishita nos y keda convenci cu nos surtido nobo di telas ta esun Preferi....
tanto den prijs como calidad, color y bunita disenjo....!

LA LINDA



Nos Porta A Keda Habri Pa Deleitabo cu

HAMBURGERS ESPECIAL...

ademas

di e Verdadero Raspao den
tur color y sabor....tur
clase di refrescos y un
servicio rapido...bishita



REFRESQUERIA MI CHALILA

SOFT AS A KISS



INVER HOUSE

A Luxury Scotch at a Reasonable Price.

Participacion

Pa medio di esaki nos kier participa tur nos obtendornan di seguros, cu desde awe ariba tur poliza na vigor y en lo futuro ningun lo no tin extra propio riesgo (Eigen risico) pa chauffeurnan bao di edad di 24 anja.

De Nederlandse Antilliaanse Vereniging van Assuradeuren van Motorvoertuigen:

American International Underwriters Corp.
Dordrecht - Nederland N.V.
Fatum, Ongevallenverzekering Mij. N.V.
Haagsche van 1805
Nederlanden van 1845
Nederlandsche Verz. Mij. "de Unie" N.V.
New India Insurance Co.
Nieuwe Eerste Nederlandsche
Seguros Caracas.



**BO
TA
SPAAR
HOPI
TEMPO**

cu un
**WASMACHINE
AUTOMATICO!**

PASQUALE SPINELLI MEDIADOR

Londres, -- UPI -- Segun nan a informá, e secretario general di Nacionnan Uni, U-Thant a eligi e diplomatico italiano veterano Pier Pasquale Spinelli, un di su auxiliarnan politico renombrá como e mediador nobo den e conflicto di Chipre.

Spinelli, quende ta dirigi e ramo europeo d e organisacion internacional na Ginebra, actualmente ta representante especial di Thant den e operacionnan di Nacionnan Uni na Jordania. Spinelli a ser scogé como candidato pa sucesion di e mediador na Chipre, Sakari Tuomioja, quende

NOBO DEN CONFLICTO CHIPRE

ta den un estado demasiado delicado pa desempeña su mision den un futuro masha corto.

No obstante, e designacion aki ta requeri aprobacion prome di e principal partidonan qu ta envolvi den e conflicto di Chipre, incluso e presidente di e isla, arzobispo Makarios, cual aprobacion, segun e informantenan ta tumando lugar awor. Spinelli, quende tin 62 aña di edad, a

desempeña misionnan diplomatico di gobierno italiano na New York, Habana y Vhina y den e ministerio di relacionnan exterior di Roma, prome qu ela drenta den servicio di Nacionnan Uni.

E potencianan occidental ta eherciendo gran presion na Atenas, Angora y Nacionnan Uni pa acelacion di e gestionnan di conciliacion den e creciente crisis di Chipre.

GOZA DI UN BON

BAR-B-Q

na cas, na picnic of beach.....



Nos tin BARBECUE GRIL den varios estilo y tamanjo... nos tin ademas HIBASHI, comfor y carbon etc. pa completa bo rato agradable entre amigos!

ACME STORE (San Nicolas) Tel: 5381-5384

Hotpoint

E airco cu apenas bo ta
tende funciona. Masha
economico y duradero.

**HOTPOINT**

E nevera cu e ventahanan
cu e amanan di cas ta
prefera na promé lugar

**Emerson**

Den diferente modelo portatil y
console. Imagen constante y skerpi
riba e pantalla. Ademas nos ta
duna un TRANSFORMER GRATIS


Welbilt

E stoofnan
di mas completo.




cu ta
un joya
den cada
cushina

EASY, e marca specializá den
wasmachine. Di e simpel mo-
delonan te na full-automatico.

EASY

Cada comprador di un aparato electrico grandi na
ARUBA TRADING COMPANY
ta ricibi un CERTIFICADO cu
cual e por cumpra GRATIS
pa un cierto balor den cualkier
negoshi di ARUBA TRADING
COMPANY

**CHRYSLER**
AIRTEMP

pa su
calidad
superior
incomparable

Electrolux

No solamente pa e fa-
moso neveranan, pero
tambe pa stofzuiger y
otro aparatonan elec-
trico moderno.



MEHOR CALIDAD - MEHOR SERVICIO - PRIJSNAN MAS ABAO Y CONDICIONNAN MAS FACIL

ARUBA TRADING COMPANY

DR A.T. SOLARES DECLAMADOR DOMINICANO A YEGA NA ARUBA

ORANJESTAD, 21 aug. - Despues di a re-
corre gran parti di Latino America y tambe
un parti di Europa, a yega Aruba diamars
merdia e declamador Dominicano dr. Angel
Torres Solares.

Hopi artista di tur parti di mundu a bin
Aruba caba y lo sigui bini Aruba, pero esta
ta un di e poco declamadornan Latino cu
a yega di bini nos isla. E coneccion entre e
declamador y Aruba a worde estableci algun
luna pasa, tempu cu sr. Hubert Booi, hefe
di e departamento di Cultura y Educacion,
tabata cu vacacion na Puerto Rico y a pre-
sencia un recital poetico di Torres Solares
den e ateneo di Puerto Rico.

Nan a sera conoci cu otro y e
contacto aki a resulta den e bi-
shita cu e artista Dominicano ta
naciendo actualmente na Aruba.

Diabiernes anochi, dia binti uno
di agosto, e lo presenta den e
show di Padu del Caribe via di
Tele Aruba, den Sociedad Boli-
variana cu un programma di poe-
tanen di tur parti di mundo. Dia-
domingo e ta actua dilanti di te-
levision den e programa di
departamento di Cultura y Edu-
cacion y tambe den e programa
"Aquí Aruba" di dr. Alfonso
Garcia Paredes via di e emiso-
ra voz di Aruba.

Por worde bisa cu e actuacion
di Solares ta un oportunidad uni-
co pa Aruba, pasobra tin masha
poco declamador den Latino A-
merica, of manera e mes a bi-
sa nos, e tin masha poco cole-
ga. E escarcedad aki ta compren-
dibel, pasobra ta solamente dos

pais den e hemisferio aki tin
academia, cuta duna declamacion
of mihor dicho, caminda bo por
gradua como declamador. E dos
palsnan aki ra republica Domini-
cana y Argentina.

Declamador di

nacimiento

Angel Torres Solares a nace na
anja 1933 na Santiago del Caba-
llero, republica Dominicana, for
di majornan intelectual. Despues
di su estudio elementario y di
"Bachiller", el a ingresa den
e academia di declamacion na
Santo Domingo, caminda el a stu-
dia durante cuater anja. For di
mucha caba su inclinacion tabata
bal den direccion di poesia y de-
clamacion y for di chiquito esaki
tabata sigui forma e parti prin-
cipal y e prome obheto di su bi-
da. E poeta cu el a recita mas
len su hubentud ta e di e famoso
Cubano Jose Marti, como cu e

tabata compronde mehor y e a-
mor aki entre poeta y declama-
dor a sigui crece, te alcanza
actualmente un punto di satura-
cion.

Carrera artistica

Na aña 1957 Angel Torres So-
lares a termina su estudio na e
academia di declamacion y inme-
diatamente el a haya un contract
di un aña cerca voz Dominicana
pa recita dos blaha pa siman
dilanti di television. Su actua-
cion a haya un bon acogida y
den termino di siete aña el a con-
verti su mes den un artista mas
popular di Republica Domini-
cana. Entretanto el a traha tambe
como actor di teatro, como cu
arte escenico tambe ta forma
parti di su preparacion na e
academia di declamacion, pero
esaki por worde considera co-
mo un "sideline".

Despues di su termino cu voz
Dominicana, el a worde contrata
door di e direccion general di
bellas artes pa ofrece recitalnan
den tur provincia di Republica
Dominicana. Esaki a tuma dos a-
ña y por worde bisa acerca cu
den historia e ta e unico ar-
tista cu a hanja un contract a-
sina largo cerca e direccion
general di bellas artes. Despues
el a traha un aña cerca e emi-
sora Radio Caribe ya pa e tem-
po ey su nomber tabata comple-
tamente estableci.

Un invitacion cu el a haya cer-
ca e Instituto di Cultura di Pue-
rto Rico ta e inicio di su car-
rera internacional. El a worde
invita hunto cu e poetanan Do-
minicano Domingo Moreno Jimi-
nez y Antonio Fernandez Spen-
cer y e ecuatoriano Jorge Car-
rera Andrade, kende actualmen-
te ta embahador di Ecuador na

Venezuela, pa rindi un homena-
je na e poeta Puertoriquenjo
Luis Pales Matos. Por menciona
aki cu su mama ta di Aruba.
For di Puerto Rico, caminda el
a estableci cu mes pa motibo
di e cantidad di contract cu el
a haya el a blaha pa Mexico,
Guatemala, Spanja, Estados Uni-
dos, caminda el a actua entre
otro den Carnegie Hall y varios
otro pais. For di Aruba e ta
bai Venezuela y Colombia pa lue-
go regresa Puerto Rico atrobe.
Debi na su labor den propaga-
cion di e nomber cultural di re-

publica Dominicana, algun luna
pasa el a worde premia door di
gobierno Dominicano, hayando di
e manera ey un reconocimiento
pa e esfuerzonan artistico cu e
ta haciendo durante siete aña
y cu e ta spera di por conti-
nua durante hopi aña mas.
Su esfuerzonan ta un di e moti-
bonan y talvez un di e motibo-
nan principal cu e arte poetico
di republica Dominicana a hanja
tanto conocemento den e hemis-
ferio aki, un reconocimiento me-
recido, pasobra den arte poeti-



Diamars atardi ultimo a yega Aruba for di Puerto Rico senjor An-
gel Torres Solares un poeta Dominicano, kende na Aruba lo actua
entre otro awe nochi na Sociedad Bolivariana. Na aeropuerto sen-
jor Torres a worde encontra pa senjor Hubert Booi, hefe di ofici-
na di Cultura y Educacion. Ariba foto nos ta mira na drechi, sen-
jor Torres y na robes Sr. Booi.

Servicio na Spanjo na Piedra Plat

ORANJESTAD, 21 Aug. - Diadomingo venidero lo tuma lugar na Kerki di Piedra Plat un servicio special pa mucha. Y hobenan, Pa nuebor di mainta senyor Julio Sanjurjo B. lo tin un programa special na Spanjo. Esaki ta un di e iniciativa di dominee, J. Visser, kende pa futuro pensaba establece un domini di habla Spanjo na Aruba.

Divorcio na Aruba segun statistico

ORANJESTAD, 21 Aug. - Anja 1957 tabata e anja cu mas divorcio na Aruba entre e anjanan 1954 y 1964. E anja ey, esta 1957 tabatin sesenta y tres divorcio na Aruba, mientras cu na anja 1954 tabatin cuarenta y cuatro. E anja cu menos divorcio entre e dos anjanan ya menciona tabata na 1955 durante cual anja binti dos pareha a dicidi d lag otro y busca otro rumbo.

James Hoffa condena pa cinco anja

CHICAGO, 21 aug. - R. James Hoffa, president dje sindicato Mericano di obreronan di transporte awe a worde condena pa motibu robo pa cinco aña den prison y un boet di 10.000 dolar Hoffa y su complisenan a horta 25 million dolar foi fondo di penshon dje sindicato. Riba cada uno dje 4 acusacionnan con-

tra Hoffa el a wordu condena pa cinco aña. Pero e por cumpli cu e trafnan huntu. Luna pasa el a wordu condena. Su abogado nan a trata di causa un tamentu nobo den e asunto, pero e argumentonan worde rechaza.

Na maart Hoffa a ser culpa di un intento pa soborna un jurado na Chattanooga na Tennessee y condena pa ocho aña. El a apela contra e straf aki. E sindicato di obreronan di transport ta qu su 1.720.000 mienbronan esun di mas grandi di Merca.

DR. A.T. SOLARES


cont. di pag. 3

co republica Dominicana ta hopi avanza y na altura di cualquier otro pais.

E escala cu dr. Angel Torres Solares a haci na Aruba a nifica pe un escala di tranquilidad y di reposo. E Aruba trankil y limpi a impresione sumamente, manera el a bisa nos, pero tambe e Aruba Industrial y di movecion cu el a experimenta bishitando e planta di awa y electricidad na Balashi.

Tres avion Mericano a worde tumba

PEKING, 21 aug. - Segun e agencia Chines di prensa "Nueva China" e siman aki na Xieng Khoeang na Laos dos bombardero Mericano y un helicoptero a worde tumba. E dos bombarderonan a worde tumba antayera durante bombardeonnan contra dos ciudad pa artilleria aerea di Pathet Laos. E helicoptero a worde tumba mas den siguiente dia durante cu e tabata busca posible sobreviviente for di e dos avionnan.



Na ocasion di e jubileo di Oro di e Amsterdamse Atletiek Club riba e sintelbaan na e Olympiaplein na Amsterdam a ser teni concurso internacional di atletiek. A participa atleta di India, Japon, Belgia etc. E Indio Milka Singh den accion na start di e race di 400 meter cu e a gana den 47.8 sec.



Trupialen Junioren den e ultimo dianan ta teniendo un campamento na un cunucu na Washington. Dos grupo di binti cuatro mucha, cada grupo tres dia, ta pasando un tempo alegre conhunto. Tin weganan manera foto ariba ta musta, e.o. wega di pingpong, mientras cu cuminda tambe ta na abundancia, prepara pa e mamanan, Bochove Tromp y Krozendijk (Di robez pa drechi, foto dos). Conhunto na mesa e muchanan ta yena nan barica pa despues continua cu nan weganen (foto tres).

Speransa di qu Segni lo recupera parcialmente

Roma, -- UPI -- E dokternan ta spera qu e presidente Italiano Antonio Segni, lo recuperá su enfermedad grave parcialmente. E prome magistrado, quende tin 73 aña di edad, a cal víctima di un ataque casi fatal diabierne ultimo, pero ayera mainta el a muera su prome mejoría despues di a pasa un anochi trankil. Un boletín medico qu a ser duna

di conoce ayera nochi ta bisa qu e estado di Segni "a sigi sin variacionnan" durante henter dia. Nan a bisa qu ta di prome bes for di dia qu el a bira malu qu e tabata por a come algu. Pero su dokter personal y e grupo di especialistanan qu ta atendiele ta sostiene qu estado di e presidente ta grave. E Italianonan a sigi tur e cambi-

nan di su enfermedad cu profundo preocupacion. Mas di 220.000 persona incluso turistanan extranhero, a bishita e palacio Quirinale, na unda Segni ta biba. Pueblo di Sassari, na Cerdena na unda e presidente a nace, a manda un mantel di virgen di gracia pe palacio presidencial. Como tradicion, e mantel, qu worde pone riba cabes di cama di un persona malu, tin e poder di e ayudo divina y cura e enfermo. Municipalidad di Sassari lo laga hasi un misa resá diahuebs awor den e capilla di Virgen di Gracia pa resa pa bida di e presidente.

GUERRILLERONAN NA FRONTERA DOMINICANO

Santo Domingo, --UPI-- Segun un version qu a ser publica aye- ra un grupo arma supuestamente for di Haiti a asalta un puesto fronteriso den e provincia meridional Independencia y a ser rechasa pa trupnanan dominicano.

E corant "El Caribe" ta bisa qu e asaltantenan tabata diez y, ora qu nan a haña resistencia fuerte, nan a laga un di nan hombernan atras, quende a ser arresta pe militar nan. Segun nan a bisa, e prisioneronan a ser tresé e campamento 27 di februari di e ciudad aki. Tabatin version- nan ta circula di qu e atacante-

nan tabatin uniformnan di batalla bisti y qu nan tabatin skopet, granadanan di man y coctel nan molotov.

MOBILISACION NA MALAYSIA

Kuala Lumpur --(UPI) -- Malay- sia a anuncia movilizacion di un "cuerpo di vigilancia" pa prote- gé su mes contra e incursionnan di e guerrilleronan indones riba e peninsula Malaya.

Mas o menos 50 guerrillero ar- má qu skopetnan automatico y gra- nadanan di man a desembarca dialuna marduga na mas o menos 32 kilometer noreste di Singapur, usando botonan di motornan (bul- tenboord). For di e dia ey, du- rante varios encuentronan, e trupnanan di gobierno a mata dos di e guerrilleronan y a cohe mas di 25 presu, entre un qu a entregá su mes voluntariamente.

Nan a informá qu e grupo invasor ta tene su mes escondi den e selva ne costa norte. Nan no a anuncia cuantu e perdidanan tabata pa parti di e forsan gubernamental.

Gobierno ta mantene e cantidad di detencionnan qu a ser practica secretamente. Solamente ela manifestá qu mas o menos 23 hen- de a ser captura y despues " po- co mas".

Entre e prisioneronan ta figura dos chino, quendenan a ser cohe ora qu nan no por a contesta pre- guntanan qu campesinonan a hasi nan, mientras qu un otro indones a ser arresta riba un playa.

Critica riba raport di industria tabacalera

NEW YORK, 21 aug. E president di e comunidad Mericano pa com- bati cancer Dr. Wendell Scott, a duna critica energica riba un raport di un comision di inves- tigation di industria tabacallera Mericana, cu ta bisa cu no tin - relacion directo cu por worde indica entre humamentu di sagra- ria y cancer na pulmon. Den e raport e director di e con- seho científico pa investigacion di tabacu, Dr. Clarence Cook - Little, ta bisa cu hasta for di mas di 15 investigacionnan bou



Gobernador Luis Muñoz Marín di Puerto Rico (izquierda) ta braza e secretario di estado Roberto Sánchez Vilella, despues cu diadomingo ultimo e a anuncia cu e no tin idea di sirbi cuatro aña mas como gobernador di Puerto Rico. Muñoz Marín, e prome presiden- te eligi di Puerto Rico, a pone Sánchez Vilella su nomber riba e lista di candidatonan.

cu bienestar. E especto tragicodi publicacion di un tal raport ta cu hopi hende cu ta huma sigaria y difícilmente por stop lo tuma e raport ey como hustificacion pa sigui huma, asina dr. Scott a - bisa.

di auspicio di e consono e re- lacion ey e no a resulta. Segun Dr. Wendell Scott e rap- port a worde formula pa propio beneficio y e no ta tene cuenta

Proceso contra coronel di S.S.

ESSEN 21 aug. - E ex coronel di SS, Albert Rapp, lo worde husga for di dia 13 di oktober awor pa un tribunal na Essen, Alemania Occidental, riba a- cusacion di asesinato di tres mil persona de segunda guerra mun- dial. Rapp na frontera oriental tabata comandante di un grupo especial, cu tabata encarga cu liquidacion di hudiunan, gitanonan y personanan mentalmente en- fermo. Rapp a establece su mes despues di guerra bou di e nom- ber Alfred Ruppert na Essen, unda el a worde arresta na fe- bruari 1961.

Dia 17 di April 1963 el a trata na comete suicidio den prison. E proceso contra Rapp lo dura mas o menos dos luna y lo tin mas o menos dos cien testigu.

Cincuenta mil florin pa pastor Ingles

LONDEN 21 aug. Pa un cierto homber e roba di trein na In- glaterra di anja pasa augustus a tuma un curso favorable. John Maris di 33 anja, co ta ehecuta e profesion di pastor a hanja no- ticia di Midland Bank cu dentro di algun dia e lo ricibi un che- que di diez mil Libra Esterlina (mas di cincuenta mil florin) como recompensa pa e infor- macionnan cu el a duna polis, cualnan a causa cu e escondite di e banda a worde descubri: un finca na Leatherslade. Maris a bisa despues cu el a ricibi e noticia, cu e lo cambia di trabao y lo compra un cas chikito y un auto.

Juana Castro ta tene conferencia anticomunista

Rio de Janeiro, -- UPI -- Juanita Castro, ruman muher di prome ministro di Cuba, Fidel Castro, a bai Belbo Horizonte pa pron- uncia e prome di un serie di reunionnan anticomunista orga- nisa pe gruponan di muhernan. E informacion aki a ser duna pe huesped den e pais aki di señorita Juana Castro, qu ta señora Vasco Leitao da Cunha, esposa di e ministro di relacion nan exterior di e pais, quende a bisa qu e conferencianan di Jua- nita "tabata muestra y lo mostra e berdadero cara di e regimen di Fidel Castro."

Juanita despues lo regresá Rio de Janeiro pa bai Sao Paulo des- pues pa pronuncia un conferencia similar. Ela yega e pais aki diadomingo ultimo pa hasi un bi- shita di tres siman riba invita- cion di e esposonan Da Cunha, quendenan a conocele na Cuba, na unda Vasco Leitao tabata embaha- dor di Brazil durante varios aña.

* Gobierno di Grecia a protes- ta cerca NAVO y Nacionnan Uni contra e hecho, cu avionnan Tur- co ayera a buia riba e islanan Rhodos y Samos. Asina un noti- cia for di Atenas ta bisa.



Contra e fondo di e cordillera Teton e casa di e presidente Americano sra. Lady Bird Johnson ta drief cu su compañeronan den un boto di rubber riba Snake River durante un viaje cu a ser teni diadomingo door di Grand Teton National park.

Banda sra. Johnson (tur na izquierda) nos por mira senador Gale Mc Gee for di Wyo- ming cu su casa. Te dilanti na mandrechí e secretario di estado di Asuntunan Interior Stewart Udall.

Syncom-3 a ser pone den orbita

Cabo Kennedy--(UPI)-- Cientificonan espacial awe pa di prome biaha a pone e satellite di comunicacion Syncom-3 den e prome orbita, como vinculo directo di television entre Asia y Merca.

Cu ayudo di e datonan qu a ser suministrá pa otro stacionnan espacial di Filipinas, qu na su turno tabatin Sycom-2 - cual ta den orbita ya ta bai un aña caba e cientificonan di Lakehurst (New Jersey) a logra na pone e artefacto espacial den orbita.

Awe tardi ora qu Syncom-3 pasa riba Borneo den su tercer buelta di su orbita temporaria el lo lansa un cohete qu ta situá den e satellite pa colocá esaki den un orbita circular di 35,000 kilometer directamente riba Ecuador. Si e hombernan di ciencia logra exito den nan empeño, anto Syncom-3 lo converti su mes den un satellite capaz pa retransmiti e incidentenan di e weganan olimpico mundial for di Japon pa Merca durante luna di oktober proxi-

mo, y ne mesun momento ta porcioná un vinculo di comunicacionnan entre Merca y lugarnan poco desconocí ainda na Asia.

Na 35,600 kilometer for di superficie di terra Syncom-3 lo baha den su orbita na un velocidad igual ne biramentu di terra, loke ta hasi qu e satellite lo keda manera ta inmovil e ta den espacio.

Asina qu e ta den su orbita el lo stacioná dos impulsor di gas a move lentamente pe satellite den rumbo pa este durante un periodo di 10 dia te ora qu e yega den su posicion final riba Ecuador. Esaki probablemente ta e manobra mas difícil qu nan a intentá te ne momentonan aki den vuelonan espacial, asina Robert Darcy gerente di e proyecto Syncom a bisa.



(NEA Telephoto)

Principiando for di un incidente den un pacus di licór, a sigui un serie di desorden y manifestacion na Dixmoor, Ill., qu a terminá solamente ora qu polisnan a domina e situacion cu uso di gas lacrimogeneo y slang di awa. Na momento qu a saca e foto aki, polisnan a forma un muraya humano dilanti di un grupo di manifestantenan.

E estrella internacional a rechasa ofertanan di e club Celtic di Glasgow, Inter di Milaan, prome cu el a dicidi di firma cu Español.

TOTAL DI 512,5 KILO

Moscu, -- UPI -- Agencia di noticia Tass a informa cu e hisado di peso sovietico Viktor Andreyev ayera a realisa e quinto levantamentu entre e mayornan cu e noticia tin, registrando un total di 512,5 kilo. E agencia a añadi cu Andreyev cu ta pisa 128 kilo y tin 27 aña di edad a competi den un torneo na Zporo-Zhie, Urgania. Na december di aña pasá na Kiev Andreyev a yega e total di 500 kilo, mientras cu na juni e tabatin un total di 502,5 pa un segundo lugar tras di e campeón nacional sovietico Leonid Zhabotinsky.

Infiltrante Indones pronto lo worde fusila

KOEALA LOEMPOER, 20 Aug. - E vice premier di defensana Mallasia Abdoel Razak, a participa awe cu mayoria di e infiltrantenan Indones cu a desembarca antayera na e costa sudoccidental di Malaka a worde cohe presu y lo worde fusila. E trupanen di gobierno den territorio di Pontian tin e situacion bou di dominio.



(NEA Telephoto)

Señora Marie Miller, di Dayton, Ohio, a lesa un aviso den un revista y a dicidi di contestele. Den e aviso Sheikh Suleman al Huzail di Beer-sheba, Israel, tabata ofrecé 50,000 dollar na cualkier muher norteamericano qu tabata dispuesto nabira su casá pa un aña y biba den su harem. Señora Miller, quende tin dos yui muher, a declara cu lo e acepta e ofrecimiento basta su yunan por bai cune.

RUMANIA TA OPONE REUNION CUMBRE DI COMUNISTANAN

Budapest, -- UPI -- Rumania ta opone su mes contra e reunion cumbre di partidonan comunista qu a ser convocá pa Rusia pa luna di december proximo y ta probable qu e pais aki lo no asisti ne reunion encuestacion segun un diplomatico haltu di Rumania a manifestá.

Mihail Roslanu, embahador di Rumania na Hungria, a predici di qu tal reunion cumbre "solamente lo conduci pa un partimientu den e filianan di Partido Comunista, probablemente esun di mas grandi qu jamas a ser registrá den e movimientu comunista." El a señalá qu cada partido comunista mundial mester declará su mes na favor di Moscu of Peking.

"A pesar di qu e partido comunista rumano ainda no a responde e invitacion di Moscu, e ta contra pa celebrá tal conferencia ne momentonan aki," asina Dino Roslanu a bisa. Ela agregá qu Rumania -- qu a trata di actua como mediador entre Moscu y Pekin -- políticamente ta apoyá Moscu, "pero e ta opone su mes ne metodonan qu ta ser usa pa Moscu y Pekin, insultando otro publicamente."

E embahador rumano a sugerí e conveniencia di qu e prome ministro ruso Nikita Kruschev y e lider di e partido comunista chino, Mao Tse-Tung, lo reuni "pa trata di resolve nan diferencianan entre nan dos."

SOLDA RUSO TA TIRA RIBA AUTO MERICANO

Berlin--UPI-- Un guardia ruso a tira cu ametrallador di domingo ultimo riba auto di ehército norteamericano, na Berlín Oriental, y di inmediato un energica protesta a presentá pe "accion no provocá e indisciplina di e solda."

Ningun victima no a wordu registrá a raíz di e incidente, qu a wordu produci den e zona liber di e transito, no leew di un base militar ruso. Ne mesun lugar aki tambe varios di e otro vehiculonan a pasa un ratu prome sin ningun incidente wordu registrá. E guardia a tira ora qu e auto tabata na mas o menos 350, meter di e puesto di e guardia sovietico, Merca a pone e rusonan na altura qu e tabata considerá e hecho como "caso peligroso e inhumana di e solda."

DI STEFANO A FIRMA

Zaragoza, --UPI-- Alfredo di Stefano quende ta worde considera un di e mas grandi futbolistanan di mundo a firma su contract cu e club Español ayera. E hungador di 38 aña a nace na Ar-

gentina qu por a generá consecuencia sumamente grave." Tambe nan a pidi pa tuma medidanan serio contra e solda y qu tambe medidanan mester ser tumá pa evita repeticion di e hecho aki.

gentina y no a worde tene pa Real Madrid despues cu temporada a termina pa motibo cu nanta considerele muchu bleuw. Informe carente di confirmacion ta bisa cu di Stefano lo ricibi 2,5 milyon peseta mas o menos 41,666 dollar pa firma, pero no a ser bisa cuantu Real Madrid a ricibi pa e tras-paso. Centenar di fanaticonan a acudi na Estadio Sarra ora cu di Stefano a firma contract di transferencia den palco di e director. Poco despues el a bisti e uniform di Español y a salí bai train, cu aplausonan di e espectadornan. Di Stefano a declara: Mi ta sintmi masha contento cu e aplausa cu mi a hanja na Barcelona. Lo mi hasi tur loke ta na mi alcance pa e club durante e añanan cu lo kedami como hungador activo....



(NEA Radio-Telephoto)

Guerrilleronan y agentenan secreto comunista ta hasi bida diario na Vietnam Sur fastioso sin embargo bida diaria ta continua, aunque tin reglanan na cual publico tin qu atene nan mes. Riba e foto aki general Maxwell D. Taylor, embahador di Merca na Saigon, ta yega na oficina di servicio informativo norteamericano mientras qu un guardia armá ta pará dilanti di e oficina.

AGENDA

ARUBAANSE COURANT

diariamente cu excepcion di
diadomingo
suscripcion f. 3.25 pa luna
edicion los 20 ct.
edita pa:
N.V. ARUBAANSE DRUKKERIJ
- en UITGEVERS - en PUBLI-
CITEITS MIJ

imprimi na:
N.V. DRUKKERIJ
"DE STAD"

Telefoon 1116 Directiva y redac-
cion, 2116 Anuncio y subscrip-
cion.

Directeur hoofdredacteur:
D. Wolff.

POR CUMPRAR ARUBAANSE
COURANT NA E SIGUENTE
LUGARNAN:

NA ORANJESTAD:
BOEKHANDEL MARISKA.
PIET SODA FOUNTAIN.
REFRESQUERIA INGRID.

NA SAN NICOLAS
NICOLAAS STORE.
UNION STORE.

BOTICANAN DI WANDA

Oranjestad Botica Del Pueblo
Tel: 1253 - 2154
San Nicolas Botica San Lucas
Tel 5119

CINE

De Veer: 8.30 p.m. "Ian Fle-
mings's Dr. No" 18j
Rialto: 8.00 p.m. "Battle Cry" 18j
Principal: 8.00 p.m. "The Day of
the Triffids" 18j
Aurora: NO MOVIES
Savaneta: 8.00 p.m. "El Cielo Ar-
riba el Lodo Abajo" all

TELE ARUBA

05.30 Cartoons
06.00 Israel presents
06.15 Robin Hood
06.45 Papiamento Newscast (Live)
& UPI Newsfilms
07.00 Gunsmoke
07.30 Spotsnews
07.45 Padu del Caribe
08.15 Colonel Flack
08.45 English Newscast (Live)
& UPI Newsfilms
09.00 Perry Mason
10.00 TV per Luchtpost

RADIO VICTORIA

A.M.
06.00 Peticiones
06.15 E Bijbel Habri
06.30 Ultimas Noticias
06.45 Ecos Del Cielo
07.15 Bo Musica Favorito
07.45 El Camino De Victoria
08.00 Canta Leo
08.15 Mundo Femenino
08.30 Ultimas Noticias
08.45 Musica Di Banda
09.00 Noticias Espanol
09.15 Melodias Del Alma

09.30 Morning Melodies
10.00 World News
10.10 The Bible For You
10.15 Through The Bible
10.45 Organ Melodies
11.00 Chapel Of The Air.
11.15 Novela Cristiana
11.30 Melodias Di Merdia
P.M.
12.00 Ultimas Noticias
12.15 Musica Sagrada
12.24 Thought For The Day
12.30 World News
12.45 Quiet Time
01.00 Radio Concert Hall
02.00 Reading Room
02.15 Songs Of Zion
02.30 Quiet Hour
02.45 Radio Revival
03.15 World News Headlines
03.20 Ensuenos Musicales
03.45 Luz y Berdad
04.15 Ultimas Noticias
04.30 Musica Di Banda
04.45 Noticias Espanol
05.00 Informacion di Gobierno
05.15 Palabranan di Bida

05.30 Unshackled
06.00 World News
06.15 Haven Of Rest
06.45 Listening Post
07.00 Musical Interlude
07.15 Off The Record
07.30 Back To The Bible
08.00 Musical Gems
08.30 Nederlands Nieuws
08.45 Voor Zijn Glorie
09.00 Klassieke Muziek
10.00 Sign Off.

Bolivia ta kibra cu Cuba

LA PAZ, 21-aug. - E camara
Boliviano di diputados ayera, cu
37 contra cinco voto, a aproba
e decision di gobierno, cu ta
provisiona e quiebra di e rela-
cionnan diplomatica cu Cuba.
E camara ta consisti di 73 -
miembro, pero solamente 42 de-
legado di e partido di gobierno
a participa na e votacion. 37
di nan pues tabata pa e decision
y cinco contra.
E oposicion Boliviano no apre-
senta.

RADIO ANTILLANA

05.30 Manianita Arubana
05.45 Bai Trabao den compania
di Bo companiero Constan-
te Radio Antillana

06.10 Noticia na Ingles
06.30 Noticia na Papiamento
07.10 Noticia na Ingles
07.30 Noticia na Papiamento
07.45 Programa di Joel Nieuw
08.00 Espacio pa Ritmos Criollo
y poesia.
08.10 Noticia na Ingles
08.30 Musica y consejo dedica na
tur nos Automobilistanan
09.00 Noticia na Papiamento
09.15 Programa dedica na tur A-
manan di cas.
09.30 Mejico ta canta pa tur nos
Amanan di cas.
10.10 Noticia na Ingles
10.20 La Macorisana E Interna-
cional Supermarkets.
10.40 Continuacion di Amanan di
Cas
11.00 Programa dedica na aman-
an di cas
11.15 Noticia na Ingles
11.25 Regalo Musical
12.00 Melodias Antillanas
12.10 Noticia na Ingles
12.20 Noticia na Papiamento
12.30 Noticia na Ingles
12.45 Capsulas En Orbitas alre-
dedor di Mundo Deportivo.
P.M.
01.00 Noticia na Papiamento
01.15 Fiesta Calypso
02.00 Lo De Ayer
02.30 Boleros Romanticos
03.00 Music For Teenagers
04.00 La Esperanza y su Ob-
sequio Musical
04.30 Complaciendo Peticiones
05.00 Noticia na Papiamento
05.15 Programa di Budweizer
05.30 Calypsorama - China Clip-
per.

05.45 Calendario Antillano
06.00 Kinderuurtje
06.15 Musica Norte Americana
06.30 Noticia na Papiamento
06.45 Variacion Musical
07.00 Felicitaciones y Complaci-
ciendo Peticiones.
08.00 Programa pa tur Pacient-
nan den San Pedro y Lago
Hospital
08.15 Cont. di Felicitaciones y
Complaciendo Peticiones
08.30 Saludos Reddy Kilowatt
(Dial. Diaraz. Diabierna
Diasabra).
09.00 Musica Latina.
10.30 Melodias y Romance
12.00 Clausura.

Segni ainda ta mescos

ROMA, 20 Aug. - E estado di pre-
sident Segni di Italia, kende re-
cientemente a sufrir un ataque, a
keda igual den ultimo 24 y no ta
batin ningun indicacion di progre-
so ni tampoco cu su estado taba
atras asina un comunidad di awe
mainta ta bisa.

RADIO KELKBOOM

07.00 Opening
07.02 Bon dia cu Alegria (Instr)
07.30 Noticia Internacional (Am-
stel)
08.00 Seleccion musical cu dis-
conan Latino Americano.
08.30 Cumpleanos Feliz
09.00 Noticia Social
09.15 Peticiones Musical pa Te-
lefoon.
09.30 Melodias Instrumental
10.00 Melodias Internacionales
10.05 Ritmos Latinos
10.30 Programa di N. Habibe Jr.
11.00 Noticia Internacional
11.05 Musica Norte Americana
11.15 Musica Antillana
11.30 Musica Varia
12.15 Noticia Internacional
(Schlitz)
12.30 Musica Norte Americana
12.45 Noticia Local (Viana)
01.00 Musica Varia
01.30 Mei Ora cu Boleros
02.00 Novela Repeticion
02.30 Verzoekplaten Programma
03.00 Kinderuurtje
03.15 Ritmos di Caribe
03.45 La Macorisana & Interna-
cional Supermarket.
04.00 Musica cu Sabor Azteca
04.30 Noticia Local (Heineken's)
04.45 Cocktail Musical
05.00 Danzones Cubanos
05.15 Musica Varia
06.00 Noticia Deportivo (Gillette)
06.15 Musica Varia
06.30 Musica para la Cena
06.45 Voorlichtings Dienst A.V.D.
07.00 Noticia Internacional na
Pap.
07.15 Musica na Hulandez
07.45 Musica Norte Americana
(Instrumental)
08.15 Novela (Golgate)
08.45 Musica Varia
09.00 Musica Poesia y Compo-
sicion Antillana
09.30 Musica Varia
10.00 Sluitting

Cabot Lodge a yega den Haag

DEN HAAG, 21 aug. - E ex-
embahador Mericano na Sur -
Vietnam, Henry Cabot Lodge,
a yega Den Haag ayera cu trein
for di Brussel pa como delega-
do especial di president Johnson
e pone gobierno Ulandes na al-
tura di e opinion Mericano to-
cante e situacion na Asia Sud-
este y especialmente na Sur -
Vietnam.

Señor Lodge lo combersa na U-
landa cu minister president, mr.
Marijnen, kende ta actuando como
minister di exterior y e secre-
tario di estado pa exterior, dr.
Diepenhorst.

POSTSLUITINGEN

Bonaire 15.30 - Colombia 15.30 -
Curacao (9.30) (15.30) - Trinidad
(5) 15.30 - Venezuela 15.30.

RADIO CARACAS TELEVISION

8.45 Senderos de luz
9.00 T.V. Educativa
10.30 Cosas de mujeres
11.15 El hogar y la moda

11.45 Novela
12.00 Noticias
12.05 Show de Remy
13.45 Se necesita una amiga
13.35 Cortos
14.00 Yo se lo vendo
14.30 Documental
15.00 Estudio de Hector Monte-
verde
15.30 Perfecta ama de casa
16.00 Mejias y sus muchachos
16.45 Busque su marca
17.30 Super Car

19.00 Trama 30
19.30 La Ley del revolver
20.00 El observador Creole
20.45 Pete y Gladys
21.45 Victoria en el mar
21.45 Las enfermeras
22.45 Noticias
23.00 Cine Americano

CUMPLEANOS

Dia 20 di Aug a cumpli 47 anja
di edad, señor Berno Zievinger,
felicitation ta bini di su esposa
Lica, 12 jinan, familia Tromp,
suegra Angelina, familia Zievin-
ger y Nilsa Tromp.

A cumpli 30 anja casa Señor Ina-
cio y Luisa Geerman, felicitation
ta bini di nan 9 jinan, nan tata y
mama, ruman, suegros y nieto-
nan, sobrinanan, y demas famia.

AMENAZA CONTRA SEN. GOLDWATER

Washington -- (UPI)-- E avion
privá di e senador norteamerica-
no Goldwater ayera a ser mandá
pa un otro aerodromo di e capi-
tal aki en bes di esun di e aer-
puerto oficial en vista di un "a-
menaza contrabida di e senador."
E avion tabata transporta e se-
nador pa Illinois na unda e mes-
ter a tene un discurso riba e de-
cision cu el lo tuma si e mester
wordu eligé presidente.

E aparato a baha riba e aeropuer-
to Dulles, cu ta situá mas atras
cu e aeropuerto nacional y eynan
e candidato republicano a bisa qu
e ta dispuesto pa modificá su lu-
gar di baha debi na e amenaza
di qu un bom lo explotá.

Monica E ENTREGADORA DI FLOR NOVELA

No. 13.

Di con e
palabranan aki ta sintie? "Bo
no mester bira injusto awor.
Pesey e no por usa cuakier
mucha muhe. Mi a bise, cu bo
mama tabata di bon famia y cu
e i a dunabo un bon educacion.
Pesey e no mester worry, cu
e lo pasa berguenza cu bo".
"Esey tabata masha trankilizan-
te pa e Conde, no ta berdad?"
Atrobe Monika ta hari cu bofon.
Pero despues el a keda keto.

Kiko e mester haci, ta con e ta
haci proteha su mes? Tur cam-
minda ta serra su dilanti. "Mi
ta bay busca algo pa come, Mo-
nika. Awe si, e comerciantenan
ta fla nos. Nos no tin mester
di bebe soppi awa mas." Yen di
odio Decker ta basha e weya di
soppi den e laba plato, y ta sali
corre bay, mescos cu un mucha
homer boyen.
E vestibulo di e hotel na Bue-
nos Aires ta jena cu un grupo
di periodistanan foy henter mun-
do. E minister Aleman di An-

suntunan Economico ta dunando
un conferencia di prensa. E a
declara su mes di acuerdo pa
duna su opinion di e situacion
na mercado mundial. Tambe ta-
bata presente Conde von Ilden-
bach. Ya tin mas cu un ora ca-
ba, cu nan ta haciendo pregun-
tas. Y awe ta haciendo asina
hopi calor, como cu e aire condi-
tioning di e hotel adanja. "Es-
ta fastioso", Schot Mac Kehan
ta bisa su colega Mericano. "Mi-
hor nan bisa nos, cual contract
nan a serra na Argentina, y
cual ta nan siguiente viahe. E
ora ey, mi mes por conta ri-
ba mi dede, con e situacion lo
bira." "Si, pero bo mester com-
prende, cu no ta tur hende ta
mes sabi cu bo", e Mericano
a bisa. "Mira e Conde, net un
tipico aristocraat. Aleman, bono
ta haya? Maske con calor ta ha-
ci, toch e tin su dashi bon ma-
ra, tur cos bon aregla. Y mira
con nos ta bisti?" "Mi Dios,
bo dashi ta parce un cabuya,
cu ta dorna garganta di un hen-

de, cu mester worde horca".
"Esta un bunita comparacion.
Pero asina leeuw mo ni ta ain-
da." "Loke no ta, por bira ain-
da." "Kizas, si nos coleganan
sinta den e prome rij no stop
cu nan preguntanan. Mi ta haya
gana di dal un pa un manda a
bou. Mira, hasta nos pover
Conde, ta busca su lenso pa seca
su sodo." "Mi stoma ta ran-
ca. Mi hospita ta sperando ri-
ba mi cu un dushi biefstuk."
"Pero nos no por bay. E ora
ey nan lo bay bisa, cu atrobe
nos no a muestra interes. Mi
tin gana di haya sa, si tin al-
gun hende cu lo bay skirbi al-
go di e coy kens cu nan ta pa-
piando awor." "Y otro siman
nos tin un mesun storia, ora cu
e ministro di Asuntunan Econo-
mico bin foy Aleman Occiden-
tal". "Lastima, cu tur dos no
a biniuntu awe. Un conferen-
cia di prensa asina comun en-
tre Oriente y Occidente, lo ta
algo otro pa un pover perio-
dista." "Mac, puntre, si e no
ta keda akinan te otro siman.
Kizas e ora e conferencia di
prensa lo caba mas lihe." "No
ta mal idea. Siqlera un poco
alegria maimel di tur e coy lo-
conan ey". Mesora Schot a hi-
za su dede na laira. "Bo ta lo-
co? Ta chanza mi tabata chanza
cu bo?" Spanta e periodista Me-
ricano ta trata pa baha e man.
Demasiado laat. Ya caba el a

tende nan ta puntra: "Kiko -
asina bo kier puntra?"
Mesora Schot a hiza su dede na
lair. "Bo ta loco? Ta chanza mi
tabata chanza cu bo". "Spanta e
periodista Mericano ta trata pa
baha e man. Demasiado laat. Ya
caba el a tende nan ta puntra: "Ki-
ko asina bo kier puntra?" "Mi
tabata tin gana di haya sa, su ex-
celencia, si lo ta mucho desagra-
dable pa bo, si e ministro di a-
suntunan economico lo bini un si-
man mas prome for di Alemania-
Oriente pa Buenos Aires." "Wel,
esaki si ta un pregunta. Natural-
mente ta Mac ta puntra esey!" E
otro periodistanan ta hari den
djente. Casi sigur Mac ta cuminsa
fada di ey den. E ministro ta
keda keto un rato. Despues e ta
bisa, mientras e ta hari scondi:
"Si mi por a dispone mihor di
mi tempo, lo mi por a keda un si-
man akinan pa bo." Tur hende a
cuminsa hari. E biaha aki e anec-
Mac. "Y pakiko bo no ta tuma bo
tempo, excelencia?" Caramba,
Mac si ta brutal. Tur e pre-
sentedan ta un poco asombra.
"Pasobra, aparentemente ami no
ta haya asunto tanto importante
manera abo ta haya." Bravo! Va-
rios di e hendenan ta hala rosea
pisa. Pero Mac mes, no ta worry
cu nan ta haci bofon di dje. Al-
contrario esey ta pone sinti mas
mihor. "Pakiko e Conde no ta ke-
da akinan, ya cu abo personal-

mente no tin interes?" "Ta bas-
ta Mac, bo preguntanan ta bira
inutil. Kizas e biaha aki elo cos-
tabo bo trabao." "Wel, pa un mo-
tibo humano, y masha importan-
te." E ministro no ta tuma pa per-
di asina lihe. Al contrario e ta
sonrei carinoso cu e Escoces. "Y
ta cua ta e motibo ey?" "Pasobra
Conde Ildenbach lo casa un di e
dianan aki." "Bravo!" tur e pre-
guntanan ta bati den nan man. "E-
sey ta un thema hopi mas mihor cu
politiek. Permeti nos pa haya sa,
ta kende lo ta su futura esposa?"
Egbert ta sonrei. Generalmente
ta odio semehante conferencia-
nan di prensa, y principalmente o-
ra cu nan bin cay riba puntanan
personal. Pero no tin modo di ha-
ci mas. "Mi futura esposa jama
Monika Decker." "Decker" ha-
mas mi a tende e nomber ey! E
no ta di noblez. "Of kizas un
nomber conoci den industria Ale-
man of conoci den un pelicula?"
"No, Sres. Srta. Decker, ta un
mucha muhe masha sencillia, ken-
de ultimamente tabata trahana un
floresteria." "Ah, un cuenta de
hadas auto. E Conde rico y e en-
tregadora di flor". Mesora varios
a cuminsa papia den oreo di otro.

Egbert ta sinti trankil bini e
ministro di Asuntunan Economi-
co. Riba su lipnan tin un sonrisa
cu bofon.

E ta sigui.....

RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di

FRIESCHE VLAG

lechi evaporado y lechi en polvo

MAXWELL HOUSE KOFFIE.**Horoscopo personal**

ARIES-21 di maart- 20 di april- Esaki ta un dia di exito publico y personal. E reconocimantu lo bin trempa pa arles.

TAURU-21 di april- 21 di mei- E victoria di e dia aki ta worde gana o perdi segun e respuestonan di miembronan di familia na nan auto-ridad. Sea firme pero pone tacto.

GEMINIS- 22 di mei- 21 di juni- Tuma accion decisiva den asunto- nan di mayor interes. Pone e cos- nan di menor importancia un banda.

CISCO KID

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.



CANCER- 22 di juni - 23 di juli- Esaki ta un dia pa cancer cu ta pone atencion personal na e detallenan commercial.

LEO- 24 di juli - 23 di augustus- Esaki ta un dia excelente pa cues- tionan di interes personal. Tene especial cuidao di presenta bo mes bon. Exito ta den laria.

VIRGO 24 di augustus- 23 di sep- tember- Evita di benta bo mes den awanan desconoci, pues quizas lo bo hanja e elementonan bastante riba bo cabes. Loke bo sa ta mihor pa e dia aki.


BUCHI ROBEZ

Pa cortesia di:

PIET'S SODA FOUNTAIN

Tel. 2123

E mihor adres pa snacks, tur clase di dushi, softdrinks, ice-cream y revistas.

**PEITA**

with compliments of

OFICINA MARITIMA DE ARUBA**DOCUMENTATION & TRANSPORTATION****FOR INCOMING, LOCAL & OUTGOING CARGOES BY AIR, SEA AND LAND**

Agente na Aruba:

N.V. WARENHUIS VAN DER REE

Oranjestad - tel. 1213

LIBRA -24 di september- 23 di october- Aunke bo ta sinti masha tentá pa inverti, cerciora bo mes di cu bo por soporta, e consecuencia- nan di fracaso. E riesgo ta grandi.

ESCORPION- 24 di october- 22 di november- Esaki por bira un di bo dianan mas grandi pa obtene exito, pero tene masha cuidao pa pone ro- mance un banda.

SAGITARIO- 23 di november - 22 di december- Abo ta un persona cu no ta gusta fia placa ni tampoco pidi pa fia. Na loke ta referi na fi- nanzas, cada un pa su propio cuenta.

CAPRICORNIO- 23 di december- 20 di januari- No subestima e balor, ni siquiera di e oportunidad mas chikito. Hopi blaha e cosnan grandi ta bini den pakinan chikito.

ACUARIO- 21 di januari- 19 di fe- bruari- Eposibilidadnan mayor qui- zas lo worde benta afo pa motibu di e tension. Mantene bo mes tran- quil y lesa e instruccionnan cuidado- samente. Tene confianza.

PISCIS - 20 di februari- 20 di maart Trata e dificultadnan alegremente sea como realmente bo ta sinti bo mes. Tin blaha e bataya ta worde gana pa e cara cu bo pone.

DICK TRACY

presenta pa cortesia di

VICTORIA BOTLING COMPANY

PEPSI-COLA --- SEVEN UP ---- GRAPETTE - KIST -- VICTORIA SODA WATER --- BUFFALO ROCK --- GINGER ALE ---

